

OBSERVATIONES NONNULLÆ
DE
SATIRA

Q U A S

VENIA AMPL. FACULT. PHILOS.

PUBLICO BONORUM EXAMINI SUBSICIT
JOHANNES JACOBUS TENGSTRÖM,
Phil. Mag. Stip. publ.

RESPONDENTE

NICOLAO HELENIO
S. Minist. Cand. Stip. publ. & Semin. Theol. Satae.

In Auditorio Mathem. d. XVIII Dec. MDCCCX
h. a. m. s.

ABOÆ, Typis FRENCKELLIANIS,

62.



三

In the same month, a man doth die.



Eadem ratione, qua in universa Eloquentia, in Satira pulchritudo mera exsistere non potest. Studio persuadendi hæc in utroque genere subjecta est. At eo majoris respectu morum habenda est Satira. Argutias festivitatesque, vitiis & virtutibus, erroribus & veritatibus gravissimis, superstitioni ideisque rationis, omni discrimine remoto, in eandem lacentem impositis illudentes, ingeniorum, omnia præter leporem & delectandi studium, quibus exoptatissimam sibi nominis famam sectantur, nihili facientium, ad hoc sæculum corrumpendum haud parum contulisse, nemo a partium studio alienus diffiteri potest. Satira contra recte tractata ad mores corrindos multum valet, maximique aestimanda est. Sæpe vitia, quæ nullis legibus coerceri posunt, perstringit, iisque pœnam, omnium forsan gravissimam, contemptum, minatur.

A

Nos

Nos in materie tirocinio juvenili eligenda gravitatem hanc moralem Satiræ respeximus, sperantes, nos hoc nomine facilius tenui nostræ operæ tuam L. B. veniam impetraturos esse.

Ut finibus æquis contineatur Satira, a joco comicò in primis probe distingueda est. Tam nempe sunt ea propinqua sibiœ finitima, ut cum huic consilium satiricum aut ab ipso auctore tribui, aut ab auditoribus sive lectoribus affungi, tum ipsi Satiræ auferri, cum jocus in Satiram, tum Satira in jocum commutari sæpe posit, utque ex arbitrio fere cù jusque explicatio discribinis sæpe pendeat (a). Sed eum pretium joci æstheticum purumqæ, sensum ab ipso joco alienum ei non tribuendo tantum, verum etiam palmarium quasi & principalem constituendo,

per-

a) Jam inde ab antiquioribus temporibus Satiram Comoediæ fuisse confusam, patet vel ex loco Hidori in *CASABONI de Romanorum Satira Libro c. 3 citato: Duo sunt genera comicorum, id est, veteres & novi. Veteres qui & joco ridiculares exsisterunt, ut Plautus, Aelius, Terentius. Novi qui & Satirici, a quibus vicia generaliter carpuntur, ut Flaccus, Persus, Juvenalis & aliis.* Bene observat *CASABONUS*, Satiram Comoediæ speciem dici non posse, quum genere differant: & omnino aliud esse, *comicos imitari*, aliud comoediam scribere.

perdamus, cumque verendum sit de ipsa Satira jocantibus, ne argumento ejus morali irrideamus, facile patere existimamus, hanc commutationem & permixtionem, quantumvis solemnem, minime gentium esse approbandam.

Distinguenda igitur est & discrepat a joco Satira, ipsa quidem sententia sibi subjecta. Nam semper haec, errorem aliquem vellicans, eum praevendum vel deponendum esse, monet: jocus nulli rei extra se animum nostrum intendit. Hic non nisi sui ipsius causa est, mera repugnantia rei cuiusdam proponenda risum movet: & non tantummodo nullum alium finem sibi propositum habet, sed hoc sibi affecto laeditur (b).

Deinde semper culpam quandam castiget Satira, necesse est. Nam si stuporem carperet fatuitatemque & meros errores judicii, injuriosa omnino esset. De his jocari ridereque possumus; Satira vero, cuius ipsius notioni reprehensionem vituperationemque subjicimus, in iis versari neque debet, neque revera potest. Primum enim, his velli-

A 2

candis,

b) Der Scherz kennt kein anderes Ziel als sein eigenes Da-seyn. Die poetische Bluthe seiner Neisen flicht nicht, und von seiner blühenden Rute voll Nyseln fühlt man kaum den Schlag. Vorschule der Ästhetik v. JEAN PAUL p. 165.

candis, injuriam ipsis injungeret, deinde errata, nisi voluntati objiciantur, reprehendi vitioque verti ne quidem posunt. Errores doctrina & argumentis refellat, falsumque, quod illis insidet, ob oculos ponat, qui ab iis aliquem avertere cupit; caveat vero, ne in eosdem cum acerbitate invehatur, & quod ex intellectu totum pendet, voluntati tribuat. Vicia, in quibus perstringendis occupatur Satira, quantumvis levia & occulta fuerint, & quantumvis illa rationes, ex quibus eadem reprehendit, ex aliis haud raro fontibus quam ex ipsa vitiorum turpitudine mentisque officiorum conscientiae ditatis repeatat: ut iste error certo respectu voluntarius sit, eoque ipso reprehendi & exagitari possit, ipsa dignitas Satiræ, licentiam jocularem respuens & aspernans, postulat. Nemo tamen hæc ita interpretetur, tanquam Satiram in angustum nimis coactam velimus spatium, eidemque nihil nisi actiones earumque principia castiganda deferamus. Tam sœpe enim opiniones male, supersticio, gustus perversus erroresque tantum non omnes originem suam debent facultatis nostræ cognoscendi incuria, tarditati, pigritia, arrogantiæ, proptereaque vitio vertenda sunt, ut ab erroribus theoriam spectantibus plus minus voluntariis prohibere Satiram, eum exemplis auctorum eset contrarium, tum a nostra ratione prorsus alienum. Si ex. gr. vetera extollimus recentium incuriosi, si in opinionibus, quas olim imbibimus, ignavi,

ignavi, superbi pertinacesque hæremus, vel si ridicule inconstantes, quæcunque novitatis speciem offerunt, vani captamus, Satira nos jure perstringit.

Prava & præpostera Satira est, cum errores, quos sola cognoscendi facultate amplexamur, in primis cum argumenta, quæ ad scientiam quandam pertinent, auctoresque ipsorum invadit.

Atqui jocis integerrimis, omnīs maledictionis expertibus, sententiam mordacem sœpe attribuunt lectores inepti sive injusti ad voluptatem poëeos liquidam gustandam non apti, sed admodum, se ipsis quidem judicibus, sagaces, si illis aliquid maligni affingere valuerint (e). Hos quomodo ab interpreta-
tio-

e) Hvaran kommer det allmänna begäret att snart fagdt, i alt hvad som skrifves i vittra ännen, den klaraste digt, det øskyldigaste skrämt, den allmänna moral, vilja finna allusion på vissa händelser och personer? Är det vanlighet eller arghet? — Är det håg att skada författaren, eller den som man önskade finna finädad? — Är det samvets medkittnande, liksom Drängens i Comedien, som, då han lör nämnas MARAUD i ett främmande hus, säger helt förskräckt "Maraud" — Voilà quelqu'un qui me connaît? Är det Dumhets bemödande att vilja synas finare än andra; eller des Högmod att verkeligen tro sig vara det? KELLERENS Samlade skrifter 3dje Bandet, p. 224.

tionibus suis, perquam scilicet callidis, impeditre poterit auctor? (d)

Cum non nisi res opprobriis dignas turpitudinemque moralem reprehendat Satira, ei joca proprie sic dicta non convenire, quisque, qui conscientiam judiciumque morale reveretur, sentit. De rebus majoris momenti jocari vix futilinemus; animus enim gravitate earum captus ad hilaritatem licentianique joculariem propensus non est. Neque igitur vitia virtutesque, nisi minoris has faciamus, joco nobis esse posunt; ne iis ridendis magis magisque corrumpamur, periculum est. Ubi vitia ridentur, magnam adesse corruptionem moralem, existimandum est. TACITUS, ad integritatem morum Germaniae antiquae significandam, neminem illic vitia ridere, refert, (e), nosque, ubi summam levitatem, & de rebus severissimis jocandi consuetudinem animadvertisimus, ibi nequitiam flagitiaque subesse, jure suspicamur. Quam contrarium honestati sit, virtutes ideasque, quibus illae nituntur, Satira lacerare, verbo monuisse sufficit.

Tametsi

d) Hvar utvärg är att taga? Le åt Dunheten och Därskapen
Ib. p. 125.

e) Nemo illic vitia ridet nec corrumpere aut corrupti sæculum vocatur. De Populis Germaniæ Cap. 19.

Tametsi vero scelesti aliquid & pravi semper
carpere debet Satira, nec joca eam decent, non ta-
men ex eo effici volumus, ut cum gravitate semper
objurgare illud debeat. Quoniam enim

ridiculum acri

Fortius & melius magnas plerumque fecat res

ab illa neque alienum est easdem nonnunquam
cavillari (f). Nihil certe impedit, quominus Satira,
ut blandi doctores, discipulos crustulis allicientes,
ridendo lectores titillet & sic veritates iis insinuet.
Vitia erroresque non tantummodo, neque semper,
gravem illam indignationem, qua eadem carpunt
JUVENALIS & PERSIUS, excitant. Referuntur haud
raro ad intellectum, quoties disquiritur, an cum
prudentia convenient, nec ne, num ad beatitudinem
conferant, an eam turbent. Sunt profecto huic saepe
contraria & haud raro stultitiae insaniaeque tam
plena, ut ipsa repugnantia sua risum moveant, ne-
cessa sit, Satiræque ludificanti uberem materiam
præbeant. Quid ex: gr: sordida cupidine divitis,
congestis undique faccis inhiantis, multis tamen,

*Quis humana sibi doleat natura negatis,
carentis, quid tædio, quod plurimos eepit tenetque
hemi-*

f) Illi, scripta quibus *Comoedia prisca viris est*, Hoc fla-
bant, hoc sunt imitandi. HOR. Sat. I. 10. 14 seq.

homines, fortis, quam iis seu ratio dedit, seu fors objicit, magis est sibi ipsi contrarium? Hæc multaque alia vitia dicacitati materiam nunquam non dabunt.

Atqui ut blanditiis infantes facile corrumpuntur, ita Satira seria ridendo percurrens, lectoresque ludo titillans, haud raro nocet. Vitia quædam tætriora sunt, quam ut iis irridere possit Satira honesta. Contra hæc armis utatur gravioribus; ea ne irrideat, sed cum majestate & severitate, qua indignationem honestam mentis generosæ decet, reprehendat, turpisima ignomina notet (g).

Faciem ridiculam vitiorum, quam primus forsan antiquorum in Satira proposuit Horatius, ludificando, hæc ipsa ad similitudinem joci comici accedit.

Neque tamen hæc utriusque rei propinquitas in ipsa tantum Satira tractanda perturbationibus an-

sam

-
- g) Men lemmom Skämtets udd!—Försvagt des vapen är,
När Lagen ropar hämd och Religionen blöder;
När Samfunds-lugnet flörs, och villan upprätt bär
Mot sanningen den arm, som sveket hemligt flöder.

Då, Skaldmö! rusta dig, då fatta mordets dolk
Och slå den djerfas bröft, att örret evigt blifver!
Din känsla väckte dig att bli förfuştets tolk;
Gå, tyd med värdighet din kallelse det gifver.

sam dedit: etiam disquisitionem de origine Satiræ implicavisse nobis videtur. De hac quidem multum disceptatum fuisse, & JUL. CÆS. SCALIGERUM (*h*), DANIEL. HEINSIUM (*i*), VULPIUM (*k*) cet. illam Græcis acceptam retulisse, contra vero JOS. SCALIGERUM (*l*), CASAUBONUM (*m*), SPANHEMIUM (*n*) Romanis attribuisse, cuique in antiquis litteris vel mediocriter versato notum certe est. Nos, ut exiguitati facultatis nostræ habendæque justorum opusculi limitum rationi convenit, primoribus quasi labris hanc controversiam attracturi, omnium primo observandum putamus, non posse in illa quæstionem esse de sparsis & ubique quidem obvijs ingenii satirici vestigijs. Nam si ubi ea animadvertisimus, Satiram natam crederemus, fere ex arbitrio nostro penderet, cui genti aut tempori originem ipsius adjudicatam vellemus. Ea enim certe ubivis gentium inveniemus. Si generatim in origine inventi cujus-

B

cunque

h) De arte poetica L. I. Cap. 12.

i) De Sat. Horatiana L. I. C. 12.

k) De Sat. Latine natura & ratione.

l) Castigat: ad Manilium v. 468.

m) De Satyrica Græcorum poësi & Romanorum Satira.

n) Dissert. sur les Césars de Julien & en général sur les ouvrages satiriques des Anciens.

cunque investiganda ad principium illius internum, facultatem sc. certam naturæ humaræ, semina abstrusa artis sive scientiæ futuræ continentem, præcipue attenderemus, certe hæsitaremus, unde ortus ejus externus, historicus (sit venia verbo), repetendus sit. Principium illud, facultas nempe propensioque naturæ, nunquam & nusquam non occurrat, necesse est; eaque sensim excolitur, et si certa quadam occasione præcipue prodatur. Ars sive scientia in primis hisce facultatis istius rudimentis non inveniatur. Ingenium igitur satiricum ubivis gentium & locorum inveniemus, Satiram non item. Deinde, ut supra observatum est, ea, scriptis diversæ materici immista, distinctu saepe est difficillima. Ubi Satiram latere arbitramur, facile fieri potest, ut nos eam ipsi singamus, ut ex jocis sive mera doctrina auctoris eam n̄ bis ipsi formemus. Nos certe, ne leporibus Græcorum Romanorumque amari aliquid tribuamus, quo apud eos caruerunt, facile incurrimus periculum, quippe qui ad interpretationem ipsorum liberalem & poëticam vix aut ne vix quidem idonei sumus (o). Primordia Satiræ itaque anxia

o) Je impoëtischer eine Nazion oder Zeit ist, desto leichter sieht sie Scherz für Satire an. Die Eselsfeste in den Kirchen der Geckenordn̄ und andere Spiele der poëtischen Zeit würden sich jetzt zu lauter Satiren ausspinnen. Vorschule der Ästhetik v. JEAN PAUL p. 188, Concedimus tamen lu-

anxia minutaque diligentia ne quæramus; nam, nisi umbras consecutari placet, in origine ejus indaganda id solum disquirendum est, ubi & quando Satira, tanquam proprium scriptoris genus, orta fuerit.

Antiquissimam quidem apud Græcos fuisse poësin mordacem, testatur ARISTOTELES. Quamquam Ilias Odysseaque HOMERI vetustissima sint poëseos istius gentis monumenta (*p*), concludere tamen non licet, nullam poësin ante Homericam illam in Græcia existisse. Obscuritate tenebrisque involuta jacent principia artis, at certe homines, non tum primum e barbarie egressos, sed humani-
tate jam & cultu quodam ornatos indicant nar-
tiones plures Homeri (*q*) ipsaque poësis epica postu-
lat. Hac multo facilior animoque humano propior
est impetus rhythmicus affectuum, cui originem
suam debere poësin gentis cujusque, assumamus,

B 2 ne-

benter, in multis antiquorum poëmatum locis Satiram
argutam latere posse, eis nos eam non sentiamus, cum
res moresque & facti peculiaria singularium illius ætatis
hominum nos fugiast.

p) Cf. Geschichte der Poësie der Griechen und Römer v. F. SCHLEIGEL. Ersten Band's erste Abth. p. 17 sq.

q) Ex. gr. Iliad XVIII. 557 — 572. XXIV. 720. sq. Od. IX. 106 — 115.

necessæ est. Nihil impedit, quominus jam prima ista poëseos lyricæ ætate orti fuerint jambi (r). Contumelia saltem jacienda verbisque injuriolis ingerendis luxuriari, a ludis festisque gentis in cultæ alienum non est (s). Cavillandi libido in carminibus Græcis eujuscunque fere generis, lyricis (t), dramaticis (u), epicis

- r) Eos non antequam cum ARCHILOCHO natos esse ex HOR. Ep. ad Pis. v. 78 male colligunt plerique interpretum.
- s) In carmine Homeridico Hermen celebrante v. 55 sq. versum asperorum, quibus in conviviis se invicem perstringere svererunt juvenes, mentio fit.
- t) Quam immoderata & ferox fuerit invectio HIPPONACTIS nec non ARCHILOCHI ex PLIN. XXXVI, 5. HOR. Epod. VI. 13 & Epist. I. 19. 25 appetat.
- u) Fabularum Satyricarum, potissimum Bacchii festis natum alteræ, tragico-satyricæ appellatae, tragediis, eo quod illecebris erat & grata novitate morandus spectator, subiunctæ, alteræ, comico-satyricæ, separatum exhibitæ fuerunt. Argumenta illarum semper e cyclo mythico, harum saepe e vita communis petita, ad illas Satyrcrum chori pertinuisse, in his omitti soliti videntur. Hæ dicteriis in populares conjiciendis risum excitaverunt, & temere jocularia quevis effuderant. (Hæc & alia discribina fabulæ tragico-satyricæ & comico-satyricæ ex conjecturis traxit EICHSTÄDT de Dramate Græcorum comico-satyrico),

epicis (v) & didacticis (x) ætatis posterioris proditur. Ipsi ritibus piis religionis maledictiones petulantiae adjunctæ fuerunt (y).

Sed fuerunt ea aliis indolis, quam ut vera Satira in iis inesse potuerit. Hæc in vitia ita invehitur, ut iis infamiam inurat, eaque castigare & corrigere conetur. Carminibus Græcorum joci mordaces criminationesque immixta fuerint, maligna injuriosa-que, maledictorum & conviciorum petulantium plena, aut ridicula, magis ad homines lacesendos, quam de officio commonendos & corrigendos, apta plerumque fuisse ea videntur. Satyros Græcorum non nisi ex similitudine nominis cum Satira comparatos fuisse putamus; nulla certe cognatione significationis hujus vocabuli ab illo derivatio nititur.

Lasei-

- v) Batrachomyomachia & Margite, carmine, ex heroe ^{sup} nomen ferente.
- x) Inter Poëmata didactica forsitan Silli numerandi sunt. Illuserunt hi Philosophis eujuscunque generis. TIMON, talium scriptor, locutiones Homericas ad res ludicas transtulit.
- y) HERODOTUS in *Terpsichore c. 83.* choros mulierum Ägäneticarum & Epidauricarum, rustica numina DAMIAM & AUXESIAM colentes, feminis indigenis probra intulisse, memorat.

Lascivi petulantesque fuerunt Satyri, cavillatione vero mordaci ad speciem similitudinis cum Satira non accesserunt. Silli a Satira proxime absusse videntur. Quamvis vero in illis ingenium Lucilianum se prodiderit, justam Satiram illos constituisse, contendere nequaquam possumus. Falsas opiniones erroresque judicij, non vitia, præcipue illusisse videntur, & potius dicacitatem, quam æquitatem moderationemque Satiræ, redoluissent.

Quamdiu in primis iisque rudibus & incultis petulantiae econaminibus substituit Satira, non potest illa revera orta censeri; quæstio enim heic esse non potest, nisi de artificio opereque sui generis. Neque enim aut in licentiam Latii antiqui rusticam aut in Saturam Romanorum antiquissimam vim aliquam habuit poësis Græca. An vero Satiram sic dictam didacticam Silli Timonis & Xenophanis aliique Græcorum lusus excitaverint, haud quidem dijudicare licet. Sed hæc quæstio tam gravis non est; nam utecumque de illa judicaveris, tantum certe ab his discrepat illa, ut, eam apud Græcos non existisse, jure affirmari possit. Videntur præterea effata HORATII & QUINTILIANI, Satiram totam Romanis vindicantia, maximi heic ponderanda esse (z).

Anti-

(z) Græcis intactum carmen eam appellat HORATIUS (Sat. I. 10, 66.) Satira tota nostra est QUINTILIANUS inquit. (L. X. c. 1.) EX WIELANDII ad HOR. Sat. I. 10, 66. argumen-

Antiquissimis jam temporibus prisci apud Rōmānos agricolæ versibus incomptis risuque soluto luserunt; Saturaii Fescenninique rudia & incondita fuerunt tirocinia poëeos eorum primæ. Fescenninam licentiam versibus alternis opprobria rustica fudisse, docet Horadius (aa). Plebi rudi joci protervi probraque arrident: animus luxurians, ferox, effervescent hominis barbari iis delectatur. Tandem libertatem illam, primum amabiliter ludentem, sed deinde in apertam rabiem versam & per honestas domon euntem, formidine fultis cohibere necesse

tatione afferre nobis hæc liceat: *Wie übrigens, nachdem Horaz, der mit der griechischen Literatur sehr bekannt war, die Satire so ausdrücklich zu einer römischen Erfindung macht, und Græcis intactum carmen nennt, und hierin von einem beyder Sprachen so kundigen kunstlicher als Quintilian war, unterstützt wird, ein moderner Grammatiker sich einfallen lassen konnte, das Gegentheil zu behaupten, würde kaum begreiflich seyn, wenn es nicht Jul. Cæs. Scaliger wäre. Jene konnten mit voller Kenntniß der Sache sprechen; denn sie hatten noch alte Producte der griechischen Literatur vor sich. Wir sprechen vom Margites des Homer, von den sogenannten Sielen des Xenophanes und Timon, die wir nicht mehr haben, und also mit den Satiren der Römer nicht vergleichen können, und wollen gleichwohl mehr von der Sache wissen als Horaz und Quintilian.* Horazens Satiren I. Theil, p. 308. sq.

necessè fuit (bb). Quantum non minus ab antiquoribus illis jocis impune minacibus, quam a mordacibus Græcorum jambis Satira discrepet, dicere nihil attinet.

Versus Saturnios & Fescenninos exceptit Satura, cum ludiones, *sine carmine ullo ad tibicinis modos saltantes*, ad iram Deorum placandam ex Etruria ad citos, imitari cœpisset *juventus Romana* (cc). Nam hæc, saltationi illorum versus joculares motusque congruentes adjungens, saturis originem dedit (dd), quæ quidem fabulas, sed incompositas mixtæque materiei, effecerunt. Cum eas vernaculi artifices

bb) Cfr. HOR. Ep. L. II. 1. v. 140. seqq. nec non VIRG. Georg. II. 325. TIBULL. I. 7. 35. sq. II. 1. 51. Lex XII Tabularum, malo quæ nollet carmine quendam describi, hæc fuit. Si qui pipulo accentat carmenve condit, quod infamiam faxit flagitiumve alteri, fusse ferito.

cc) Ad hæc & sequentia de primordiis Ludorum scenicorum apud Romanos confer LIVI Lib. VII. c. 2.

dd) E Saturniis & Fescenniniis versibus Saturam fuisse enatam sive ad eorum rationem formatam, appareat. Sed eam tamen ab illis discrepasce, indicat etiam LIVIUS (l. c.) Impleta modis Satura descripto ad tibicinem, cantu motusque congruenti peragebatur, nec Fescennino versui similes incompositus ac rudis alternis temere jaciebatur.

ces aliquot annos peregriscent, LIVIUS ANDRONICUS (ex hero suo M. (ee) LIVIO SALINATORE, cuius liberos erudivit, nominatus) ausus est fabulas unius argumenti componere (ff). His a risu ac joco soluto avocatis ludoque in artem paulatim verso juventus, histriionibus fabellarum actum relinquens, saturas, quæ his introductis aliquantum obsoleuisse videntur, recepit, ipsaque inter se more antiquo ridicula intexta versibus jactitavit: quæ inde exodia postea adpellata, consertaque fabellis potissimum Atellanis (gg) sunt. Saturæ fabulis tragicis eadem ratione, qua dramata Græcorum tragico - satyrica, adjungi cœpere, ut spectatores sensibus tristibus affectos delinirent & exhilararent (hh), & exodia, (Exodia) quoniam extremæ fabulæ aut singulis dilogiis subjiciebantur, adpellatae fuerunt. Atellanæ fabu-

C

lis

ee) CAJUM appellat POLYBIUS L. VIII. c. 22.

ff) Hæc explicatio verborum Livii: ab satiris ausus est primus argumento fabulam serere, aptissima nobis videtur.

gg) Ab Atella, Oscorum in Campania oppido, sic dictis.

hh) Cf. JUV. III. 175, VI. 71 SVET. TIB. c. 45. & Dom. c. 10. CASAUB. II. 1, ex Scholiaste JUVENALIS hæc citat: Exodarius apud veteres in fine ludorum intrabat. quod ridiculus foret: ut quidquid lacrymarum atque tristitiae corrigissent ex tragicis affectibus, hujus spectaculi risis detergeret.

lis Græcorum comicō-satyrīcīs, argumenti domesti-
ci, seorsum a tragœdiis exhibitis (*ii*), congruerunt,
quæ similitudo non sātem tota fortuita fuisse videtur
(*kk*). Spectacula Romanorum theatralia ad similitu-
dinem Græcorum efficta fuisse, in dubium vocari
non potest. cum Græcus primæ tragœdiæ five
comœdiæ Latinæ exemplum proposuerit. Sermo
in Atellanis rudis quidem fuit & impolitus, sed
tamen

ii) Atellanas ab histrionibus pollutas non fuisse testatur
LIVIUS I. c.

kk) DIOMEDES discriben Atellaræ & Satyricæ Græcæ in eo
confistere ait, quod *in Satyrica fere Satyrorum personæ*
inducuntur, aut si quæ sunt ridiculæ, smiles Satyris,
Auolycus, Busiris, in Atellana Oſce personæ, ut Maccus.
Ad quem locum hæc duo obſeruat EICHSTÄDT. Alterum,
quod Satyrorum induc̄tio ab Atellanis plane aliena ju-
dicatur, alterum, quod eadem Græcorum Satyricis fabu-
lis non sine exceptione quadam tribuitur. At vero si
fabulas unice respiciamus, a tragicis poētis proſectas, igno-
raverunt fane hanc exceptionem Græci. DIOMEDEM ita-
que arbitror fabulas comicō-satyricas simul mente descri-
ptioneque comprehendisse, & sicuti tragicis satyros, ita
his AUTOLEYCUM & BUSIRIN adſcripſiſſe. His addimus ex
fragmento, quod MARIUS VICTORINUS servavit (*agite,*
fugite, quatite, Satyri!) colligi posse, Satyrorum per-
sonas ab Oīdīs illis fabulis non ſemper exulaſſe. Neque
tam n̄ dubio res caret, si quidem id, ut vulgo putant,
ex Atellana quadam fabula deſumtum fuerit.

tamen castus atque honestus; quocirca institutum mansit, ut actores Atellanarum nec tribu moverentur, & stipendia, tanquam expertes artis ludicræ, facerent (ll).

Ex brevi hac, ut ad Satiram nos referamus, expositione antiquissimæ rei scenicæ Romaorum apparet, Satiram, si vel in Atellanis jam formata infuisset, vel leviter saltem mutanda harum forma exstitisset, a Graeca origine haud incommodè fuisse repetitam. Sed dramata ista comico-satyrica & Atellanæ personis ridiculis inducendis dicteriisque in populares conjiciendis, qualia etiam in Comœdiis antiquorum exstant, delectare voluerunt, Satiram didacticam nequaquam effecerunt. An ingenio satirico stimulos addiderint, latet: neque contendimus, id factum non fuisse. Cum vero fabula risusque, in quibus quasi cardines Atellanarum vertebantur, ad Satiram didacticam non pertineant, hæc autem reprehensionem correctionemque morum vitiosorum, qui scopus ab illis alienus fuit, spectet, pro carmine apud Romanos invento & nova ratione conscripto certe habenda est Satira (mm).

C 2

At

ll) VALER. MAX. II. 4. 4. ait hoc genus delectationis Italicæ severitate temperatam ideoque vacunque nota fuisse.

nn) Initium Sat. 4 L. I. HORATHI:

At vero Satira haudquaquam nata est adulta. Si, quod certe verissimum est, res omnes inventæ pedetentim ad perfectionem progrediuntur, etiam Satira communi hac rerum lege solutam non fuisse, eo certius contendre possumus, quo difficilis homini inculto fuisse judicandum est, omnia ab hoc carmine aliena segregare eamque meram & intemeratam concipere.

Rudis & incomposita, materie, metris formaque diversis variata fuit Satura sive Satira ENNI. Sed tamen eum Græcis intacti carminis, Satiræ nempe didacticæ, auctorem declarat HORATIUS (nn). LUCILIUS hanc in angustiorem locum compulit finique vitia castigandi & reprehendendi magis consenteam reddidit, metro heroico plerumque usus est,
resque

*Eupolis atque Cratinus Aristophanesque poëtae,
Atque alii, quorum comoedia prisca virorum est,
Si quis erat dignus describi, quod malus aut fur,
Quod mochus foret, aut sicarius, aut alioqui
Famosus: multa cum libertate notabant.
Hinc omnis pendet Lucilius, hunc securus,
Mutatis tantum pedibus numerisque,*

ad originem Satiræ Græcam demonstrandam citari non potest. Nam exemplis ARISTOPHANIS ceterorumque heic non alia de causa unitur poëta, quam ut suam in civibus improbis reprehendendis libertatem excuset. Vide *Diss. de Satiræ Orgine, Praef.* FRANZÉN, *Resp. Strandberg*, p. 12.

resque ab illa alienas exclusit. His meritis primus insignem in Satira laudem adeptus est (oo) magnus Auruncæ alumnus (pp). Nec certis quibusdam locis, sed continuis carminibus, aspere & graviter in vitiosos scelestosque inventus est, uni æquus virtuti atque ejus amicis (qq).

*Ense velut stricto, quoties Lucilius ardens
In fremuit, rubet auditor, cui frigida mens est
Criminibus, tacita sudant præcordia culpa rr).*

Quem titulum carminibus suis inscriperit Lucilius, ignoramus. Forsan, ut ENNIUS, totum librum carminum Satiram nominavit. Hoe vocabulum a lance satura ad carmina, ante ætatem LIVII ANDRONICI vigentia, varietate sua illi similia, translatum fuisse, & eadem ratione, qua *optimus & optimus*

oo) QUINT. *Infl. Orat.* X. 1. 93.

pp) JUV. I. 20.

qq) HOR. *Sat.* II. 1. 70.

rr) JUV. I. 165, sqq. Cfr. PERS. I. n4. sq. *Satira est Carmen apud Romanos, nunc quidem maledicuum, & ad carpenda hominum vitia Archææ comedie charactere compositione: quale scripserunt Lucilius & Horatius & Persius. Sed olim carmen, quod ex variis poematibus constabat, quale scripserunt Pacuvius & Ennius.* DIOM. L. III.

mus. maximus & maximus, Satura & Satira scribi cœptum, probabile videtur. Illud etiam usurpavisse videtur ENNIUS ob res mixtas, quas libri ejus amplexi sunt. HORATIUM singulis carminibus, quæ in libris Sermonum comparent, nomen Satiræ tribuisse, probari non potest. Sensim tamen ad Lucilianum scribendi genus translatum fuisse illud, & ab antiqua illa discrepantem vim ei subjecisse HORATIUM, ex Sat. II. l. 1. patet.

Notio vero carminis Luciliani satis determinata fuit, & in castigandis vitiis habitare jussa. Risus finis illius non fuit, sed vitiorum censura. Quod si quis dicat, HORATIUM præcipue stultitiam absurditatemque, non ipsum dedecus & turpitudinem vitiorum, notavisse, indeque colligat, Satiram apud Romanos definitam certisque terminis circumscriptam non fuisse: is cum ad ætatem attendat HORATII, nobiliori doctrinæ parum aptam, tum ad Philosophiam, cui ille deditus fuit, eujusque fere principium & caput hoc est:

*Tu quamcunque Deus tibi fortunaverit horam
Grata sume manu; neu dulcia differ;*

concedatque, necesse est, satiram ejus a fine moralis, quem sibi proponere is quidem potuerit, non aberrare.